



Равшан ҲАҚМУРОД

ДИЛДОРИМ



**«MERIYUS»
Тошкент - 2013**



УЎК: 821.512.133-1

ББК: 84 (5Ў)7 - *Узб. араб.*

Х-40

Ҳақмурод, Равшан

Дилдорим: шеърлар/ Р.Ҳақмурод. -

Тошкент: MERIYUS, 2013. - 60 б.

Равшан Ҳақмурод орзулар осмонини бўйлаётган дардларини қўшиқ қилиб куйлаётган ёш ижодкор. Ҳар сатри беихтиёр қўшиққа айланишининг ҳам боиси шундан бўлса керак.

Куйида сизнинг ҳукмингизга ҳавола этилаётган шеърлари дарёдан бир томчи бўлса-да, мавжларида тиниқлик, жўшқинлик мужассам.

Биз ҳам ижоднинг машаққатли йўлларида унга сабот тилаймиз.

*HD 41329
0*

ISBN 978-9943-395-83-1

© Равшан Ҳақмурод

© «MERIYUS» нашриёти

2013/85

6503

Alisher Navoiy

nomidagi

O'zbekiston MK

ОЛИБ КЕТАЙМИ?..

Олиб кетайми сени
Орзулар осмонига.
Куёш ботмас, ой ботмас,
Бахт деган томонига.

Олиб кетайми сени?..
Ёмонлардан узоққа.
Кел йўлларни бошлаймиз,
Кўнгил ёққа, дил ёққа!..

Олиб кетайми сени
Булутлар орасига?
Қулоқ тутиб яшармиз
Кўнгилнинг ноласига.

Олиб кетайми сени
Оққушларга айланиб?..
Яшайсанми ўшанда,
Юрагимга бойланиб.

Олиб кетайми сени,
Муҳаббатнинг боғига.
Юргин, бирга чиқармиз
Орзуларнинг тоғига.

Олиб кетайми сени,
Ўзингга ёр эт мени.
Хаёлимда яшайсан,
Севсам нетай бир сени.

АЛАМ БЎЛДИ

Алам бўлди, алам бўлди,
Кўнгилнинг кўзи нам бўлди,
Алам бўлди, алам бўлди,
Юрагим тўла ғам бўлди.

Дилда хижрон, кўксим қонар,
Ошиқ юрак дарддан ёнар,
Армонлардан жон ўртанар,
Алам бўлди, алам бўлди.

Тунда келди ёр-ёр саси,
Саноклидай ҳар нафасим,
Қобирғамдир дил қафасим,
Алам бўлди, алам бўлди.

Орзуларим, севгим сарсон,
Ишқ гуллари энди хазон,
Муҳаббатим бўлди арзон,
Алам бўлди, алам бўлди.

Ёт қўйнида тўлин бўлган,
Ўзга уйга келин бўлган,
Дўсту душманларим кулган
Алам бўлди, алам бўлди,

БАХТ БЕРГИН...

Бахтсизларга бахт бергин Худо,
Шаҳдсизларга шаҳд бергин Худо.
Менинг сендан сўраганим шу,
Иймон деган тахт бергин, Худо.

Одамни ҳам одамлар бузар,
Оламни ҳам одамлар бузар,
Ким бузади, ё кимлар тузар,
Яхшиларга ёр бўлгин, Худо.

Кўзи йўлда, тунлар ухلامас,
Она кўрмай, кўнглин тўқламас,
Онасини бир бор йўқламас
Қалби кўрга меҳр бер Худо.

Юртда ҳаддинг баланд бўлади,
Билмаганлар афсус қилади,
Ишқ дардини қайдан билади,
Ишқ деганда орни бер Худо.

* * *

Муҳаммад Юсуфнинг бир гапи тўғри,
Чиндан ҳам дунёда шоир кўп она.
Навоий битса ҳам, Бобур ёзса ҳам,
Дард дегани дилга эмас бегона.

Улар куйладилар юргнинг дардини,
Сафсата айтмади бизларга ўхшаб.
Ўзбек бўп билмасак ўзбек бахтини,
Хўш нима топгаймиз дунёда яшаб.

КУЛГАНИНГДА...

Кулганингда лабинг тўсган қўлларингни,
Кутган билан келмайдиган йўлларингни,
Минг ўртаниб ўтда ёниб севган билан,
Ёғдирасан таъна отли дўлларингни.

Қачонлардир сенинг қалбинг забт этаман,
Севдиrolсам бу дунёдан шод кетаман,
Кут дегин сен ўлгунимча мен кутаман,
Гуллар тўшаб, қалбим тўшаб йўлларингни.

Етолмайин фироғингда куяр бўлсам,
Бу дунёда танҳо сени суяр бўлсам,
Орзулардан хаваслардан сўйлар бўлсам,
Кел қўлимга бергин жоним қўлларингни.

ҚАШҚАДАРЁ

Буюк Темур юртисан,
Эй Қашқадарё!
Ўзбекистон кўркисан,
Эй Қашқадарё!

Фалла хирмонинг бир ён,
Пахта хирмонинг бир ён,
Заҳматкаш элинг бир ён,
Эй Қашқадарё!

Самимий ҳар одами,
Элда бўлмагай ками,
Яхшиларнинг ҳамдами,
Эй Қашқадарё!

Ёвқур сафда норинг бор,
Дилда номус оринг бор,
Айтсам дилда зоринг бор,
Эй Қашқадарё!

Тупроғингга босай лаб,
Дилга жойлаб авайлаб,
Куйга солдим атайлаб,
Эй Қашқадарё!

БИЗ ЎЗБЕК ФАРЗАНДИМИЗ

Ҳақ сўзни сўйлаш керак,
Ватанни куйлаш керак,
Эртани ўйлаш керак
Биз ўзбек фарзандимиз.

Сахийликда серҳиммат,
Юртга қилайлик хизмат.
Тинчлик бу улуг неъмат
Биз ўзбек фарзандимиз.

Азиз ватан тупроғи,
Табаррук гул япроғи.
Баланд бўлсин байроғи,
Биз ўзбек фарзандимиз.

Ёшлар аҳил бўлайлик,
Юксалишни ўйлайлик,
Хур ватанни куйлайлик,
Биз ўзбек фарзандимиз.



БИР ШЕЪР ЁЗАМАН...

Бир куни шундайин бир шеър ёзаман,
Ошиқлар дардига бўлади даво.
Айрилиқ ва хижрон қасрин бузаман,
Гўёки қайтадан яралар дунё.

Бир куни шундайин бир шеър ёзаман,
Ўқиган ҳар одам дардин унутар.
Мен бахтли бўламан, буни сезаман,
Ҳижроннинг сиртмоғи мени тарк этар.

Бир куни шундайин бир шеър ёзаман,
Балки шу ўй билан яшайман буткул.
Балки фалсафани тушунмасдирман,
Аммо мен ваъдамни уйлайман нукул.



СИЗНИ СЕВИБ...

Кўзларингиз қораси,
Менинг кўнглим пораси,
Йўқми бирор чораси,
Сизни севиб қолганман.

Ишқ шаробидан ичиб,
Соғинч азобин қучиб,
Ҳатто ўзимдан кечиб,
Сизни севиб қолганман.

Икки қаро кўзимни,
Адо қилдим ўзимни,
Эшитинг дил сўзимни,
Сизни севиб қолганман.

Йўллар кутиб толганман,
Ошиқ номин олганман,
Бўлганимча бўлганман,
Сизни севиб қолганман.

Дийдор онини чўзманг,
Бекор кўнглимни бузманг,
Равшаннинг дилин эзманг,
Сизни севиб қолганман.

* * *

Ёмонларнинг ошиғи олчи,
Сувдан қуруқ чиқар ёлғончи,
Нокас дейди, тани, фалончи,
Яхшиларнинг бошида кулфат.

Кўзларини кўкка қадолмас,
Улар одамларни алдолмас,
Душманни ҳам ёмон атолмас,
Яхшиларнинг бошида кулфат.

Дунёнинг бор жабрига кўнар,
Абр қилиб сабрига кўнар,
Яхшилиги азобга дўнар,
Яхшиларнинг бошида кулфат.

Баъзилар бор, дўстдан тонади,
Шайтон шаробидан қонади,
Ўзгалар дардида ёнади,
Яхшиларнинг бошида кулфат.



СЕВИБ БАХТЛИ БЎЛГАНЛАР БОРМИ?..

Йиғламайин кулганлар борми?
Бахт тоқида тўлганлар борми?
Бормай ҳижрон остонасига,
Севиб бахтли бўлганлар борми?

Сулув сочлар бўйнимга дорми?
Ошиқ экан дунёнинг ярми,
Айтинг менга, Лайли Мажнунлар
Севиб бахтли бўлганлар борми?

Мен-ку ундан бахтим топмадим,
Эшигимни унга ёпмадим,
Келмагандир балки омадим,
Севиб бахтли бўлганлар борми?

Энди ёрим ўзгага ёрми?
Муҳаббатим кўнгилда хорми,
Севмайман де, боқ, унут Равшан,
Севиб бахтли бўлганлар борми?



ҚОРА КЎЗЛАР

Қора кўзлар ётга сузилди,
Менинг юрак бағрим эзилди,
Энди менга хаёт жаҳаннам,
Муҳаббатнинг қасри бузилди,
Сенсизликда жоним узилди.

Чимилдиққа кирасан бугун,
Саволар кўп жавосиз тугун,
Дод соламан лек чиқмайди ун,
Муҳаббатнинг қасри бузилди,
Сенсизликда жоним узилди.

Ўйин кулгу бошланди базм,
Сен келинсан, қиласан таъзим,
Бахтингни топ хайр, азизим,
Муҳаббатнинг қасри бузилди,
Сенсизликда жоним узилди.

Ёр-ёрлардан титрар тўйхона,
Менинг кўнглим эса ғамхона,
Менга далда берманг, жон она,
Қора кўзлар ётга сузилди,
Муҳаббатнинг қасри бузилди.

* * *

Дил берганим кулфатим бўлди,
Армон менинг улфатим бўлди.
Дилдор келин бўлаётганда,
Хижрон менинг қисмаим бўлди.

Савдолардан оғрийди бошим,
Борган сари тугар бардошим,
Қумга ботди умид қуёшим,
Жон севгилим бегона бўлди.

Тушларимга кирмагин энди,
Кўрсанг ўйчан турмагин энди,
Ҳолимни ҳам сўрмагин энди,
Дил берганинг девона бўлди.



ҚЎРҚАМАН

Қордай ишқнинг уволидан қўрқаман,
Муҳаббатнинг заволидан қўрқаман,
Сенсиз кунда сенсиз оним ўтмайди,
Айрилиқнинг хаёлидан қўрқаман.

Икки дилни айиришдан қўрқаман,
Ишқ йўида тойрилишдан қўрқаман,
Нега етдим, нени тутдим билмадим,
Гулим сендан айрилишдан қўқаман.

Кутмаганда келса ғамнинг савдоси,
Бошгинамга тушса ғийбат балоси,
Сенга етармикан кўнгил ноласи,
Айрилиқнинг ғавғосидан қўрқаман.

Ишқ қадрини севган ошиқ дил билар,
Эрк қадрини тутқунликда қул билар,
Сабринг мудом садоқатга йўл бўлар,
Хиёнатнинг саҳросидан қўрқаман.



ҚОШИ ҚАРО

Қоши қаро эй гўзал,
Қалби яро эй гўзал,
Йўқдир чора эй гўзал,
Ёнимдамас, ёдимда,
Яшайсан ҳаёлимда.

Сен мендан узоқдасан,
Қўл етмас йироқдасан,
Йиғлайсан, қийноқдасан,
Ёнимдамас, ёдимда,
Яшайсан ҳаёлимда.

Ёт уйда келиндирсан,
Ойдайин тўлиндирсан,
Севганим ўзингдирсан,
Ёнимдамас, ёдимда,
Яшайсан ҳаёлимда.

Ой ҳам сендек сузилмас,
Ғам кулбаси бузилмас,
Сендан кўнглим узилмас,
Ёнимдамас, ёдимда,
Яшайсан ҳаёлимда.

Равшан сендан розидир,
Ҳижрон унинг созидир,
Ишққа Амон қозидир,
Ёнимдамас, ёдимда,
Яшайсан ҳаёлимда.

АФСУС

Хазонлардай тўкилдим,
Муҳаббатга тикилдим,
Ишқ йўлида йиқилдим,
Афсус!..

Юракда ўтли нидо,
Севги деб умрим фидо,
Мени унут, алвидо,
Афсус!..

Гул шоҳидай қайрилдим,
Тўғри йўлдан тойрилдим,
Бугун сендан айрилдим,
Афсус!..

Йиғладим, кулолмадим,
Ёнида бўлолмадим,
Ё ўлиб ўлолмадим,
Афсус!..

17	Alisher Navoiy
2013/85	nomidagi
6503	O'zbekiston MK

Ишқнинг либосин ечдим,
Бутун дунёдан кечдим,
Шамдайин осон ўчдим,
Афсус!..

ТИЛЛО УЗУК

Тилло узук тақибсан,
Дилимга ўт ёқибсан,
Мен қолиб эй воҳ нетай,
Бировларга боқибсан.

Бойга тегиб бой бўлиб,
Осмондаги ой бўлиб,
Ёшим оқар сой бўлиб,
Тилло узук тақибсан,

Сигмай қолдим оламга,
Кўзларим тўлди намга,
Мени ташлаб аламга,
Тилло узук тақибсан.

Дилда ёнар аланга,
Алланг кўчар нолангга,
Исмим қўйгин болангга,
Тилло узук тақибсан,
Илимга ўт ёқибсан.

ДЎСТЛИК ИШҚҚА АЙЛАНДИ

Меҳринг дилга жойланди,
Кўнглим сенга бойланди,
Ўзим ҳам билмай қолдим,
Дўстлик ишққа айланди.

Чин дилдан севиб қолдим,
Йўлингни кутиб толдим,
Ўзим ҳам билмай қолдим,
Дўстлик ишққа айланди.

Юрак ақлдан тонар,
Қалбимда бир ўт ёнар,
Ўтмас бўлди бу онлар,
Дўстлик ишққа айланди.

Учрашдигу қўл бердик,
Кўнгилларга йўл бердик,
Илмай қолдик, дил бердик,
Дўстлик ишққа айланди.

Севиб бемадор бўлдик,
Хиёнатни ор билдик,
Охири иқрор бўлдик,
Дўстлик ишққа айланди.

ОНАМНИНГ НАСИҲАТИ

Ўғлим суянчим деган,
Менинг ишончим деган,
Ночорга қўл бер деган
Онамнинг насиҳати.

Доим элга бўл ўрناق,
Бунга тоза дил керак,
Йиқилсам бўлар тиргак,
Онамнинг насиҳати.

Ўхшама ҳеч нокасга,
Суянмагин бир хасга,
Таклар мени ростга,
Онамнинг насиҳати.

Кўмаганим кўр дейди,
Менинг ғамимни ейди,
Иймон сари бошлайди,
Онамнинг насиҳати.

Равшаннинг асл бахти,
Шундан шиддати шаҳди,
Кўнглига солган аҳди,
Онамнинг насиҳати.

АЛАМ...

Армон қўлимни тутди,
Ёрим ўзгани кутди,
Айрилиқ жондан ўтди
Шуниси алам...

Муҳаббатда не гуноҳ?..
У ҳам йиғлаб чекар оҳ,
Чин дўстларим қазди чоҳ
Шуниси алам...

Дабдабали ката тўй,
Армон кўкка чўзар бўй,
Ё-ёр янграр, янграр куй,
Шуниси алам...

Бахтингни топ, бахтингни,
Бой бемагин тахтингни,
Сен унутдинг аҳдингни
Шуниси алам...

Бу тун бунча чўзилди?
Кўзимда ёш тизилди,
Ишқ риштаси узилди
Шуниси алам...

БИЛМАГАНДИМ

Суйишимни билмагандим,
Куйишимни билмагандим,
Ҳижронларнинг азобини,
Туйишимни билмагандим.

Билмагандим ишқ ўтида,
Тунлар ёлғиз ёнишимни.
Билмагандим сени севиб,
Бу дунёдан тонишимни.

Ўзга ёрнинг кучоғига,
Тўлишингни билмагандим.
Аҳдинг бузиб ўзгага ёр
Бўлишингни билмагандим.

Балки мендан ўтди хато,
Ҳатто хаёл қилмагандим.
Сен ҳа мени ўзимдайин
Севишингни билмагандим.



КЕЛИН БЎЛДИ СЕВГИЛИМ

Ғам-ғуссага ботаман,
Ўзимни йўқотаман,
Дийдамдек тош қотаман,
Келин бўлди севгилим.

Сурнай йиғлар дилимда,
Ғулим қолди қўлимда,
Шу сўз бугун тилимда,
Келин бўлди севгилим.

Ўйин-кулгу бошланди,
Менинг кўзим ёшланди,
Дилга соя ташланди,
Келин бўлди севгилим.

Сиз билмайсиз онажон,
Юрак бағрим бўлди қон,
Дилим бўлди қаҳратон,
Келин бўлди севгилим.

Олтин экан остона,
Кулиб-кулиб мастона,
Этиб мени девона,
Келин бўлди севгилим.

МУҲАББАТ

Дунёнинг бор жабрига,
Кўнар эдим майлига.
Қандай яхши бўларди,
Мажнун етса Лайлига.

Шириндан айро Фарход,
Кўксида алам хайҳот.
Ишқи унинг чўқмори,
Тошлар қилдилар фарёд.

Сувларда оқиб Тохир,
Ишқин айлади зоҳир,
Сандиққа сиғмас ишқни,
Дилга жойламоқ оғир.

Улар ишқи боқийдир,
Дард кўнгилга соқийдир,
Мен ҳам севдим нетайин,
Дард чекканлар ўқийдир.



МАЖНУН БЎЛДИМ

Мажнун бўлдим, Мажнун бўлдим,
Мафтун бўлдим, мафтун бўлдим.
Сени ўйлаб гўзал ёрим,
Маҳзун бўлдим, маҳзун бўлдим.

Ўзим дилга солдим кишан,
Севгим чиндан эши ишон,
Кўнгил бериб чекдим азоб,
Маҳкум бўдим, маҳкум бўлдим.

Нетай ёрим Мажнун бўлдим...

ЙИҒЛАМА ЮРАК

Дониш эли шундай деган,
Дунё ўзи бир кам экан,
Гул бор жойда бордир тикан,
Йиғлама юрак, йиғлама.

Бағр қоним гулоб бўлди,
Кўзда ёшим кўлоб бўлди,
Кийганинг ол кимхоб бўлди,
Йиғлама юрак, йиғлама.

Бевафога ўтинмагин,
Етар энди, ўкинмагин,
Бағр қонингни сунмагин,
Йиғлама юрак, йиғлама.

Дил кўшиққа сиғмайди,
Еру осмон йиғлайди,
Ким ҳам кўнглин тиглайди,
Йиғлама юрак, йиғлама.

СОВЧИЛАР

Тилло узук берган совчилар,
Қошларингни терган совчилар,
Моҳир экан мерган совчилар,
Остонанга келган совчилар.

Сенга сирли-сирли қарашиб,
Сунбул сочларингни тарашиб,
Сарполаринг турар ярашиб,
Остонанга келган совчилар,
Кўнглимни ер қилган овчилар.

Дил эзилар, қийналар юрак,
Оҳларимдан ўртанар юрак,
Кўзларингни ёшлама малак,

Остонанга келди совчилар,
Кўнглимни ер қилган овчилар.

Мактубларинг ўқийман ҳар тун,
Гоҳ куламан, гоҳо бағрим хун,
Дунёда бахт йўқдир мен учун,
Остонанга келмиш совчилар,
Кўнглимни ер қилган овчилар.

ЁЛҒИЗИМ СЕНСИЗ

Зулмат бўлди бу дунё,
Кулфат бўлди бу дунё,
Фурбат бўлди бу дунё,
Ёлғизим сенсиз...

Ёндим кеча-кундуз ман,
Қирғоғи йўқ денгизман,
Осмони йўқ юлдузман,
Ёлғизим сенсиз...

Дил ақлга берма сён,
Яшолмам сенсиз инон,
Юрак армонларга кон,
Ёлғизим сенсиз...

Оромим йўқ тонггача,
Ўзимдан тондим неча,
Файзсиз қолди тор кўча,
Ёлғизим сенсиз...

Ким ҳолим кўриб кулди,
Кимлардир бағрин тилди,
Куним зим-зиё бўлди,
Ёлғизим сенсиз...

ЎЛДИРИБ, ЎЛДИРИБ...

Эй севги муҳаббат ёмон экансан,
Аламга бошладинг, дардга ташладинг.
Бахт деб излагандим, армон экансан,
Кулдириб кулдириб кўзим ёшладинг.

Мен энди тушундим, ёлғон экансан,
Мен энди тушундим, армон экансан.
Эх ёмон экансан, ёмон экансан,
Кулдириб, куйдириб ўтга ташладинг.

Тунлари ўйлардим, ақлим олгандинг,
Тебадек севардим бахтим бўлгандинг,
Қалбимга муҳаббат, орзу солгандинг,
Суйдириб суйдириб қайга бошладинг?..

Эй севги муҳаббат ёмон экансан...

ҲАММА ФАҚАТ ЎЗИН ЎЙЛАЙДИ

Дўстлар дўстин кўзин пойлайди,
Гапиртирсанг ҳақдан сўйлайди,
Ватан, ватан дейди-ю аммо,
Лекин юртнинг қадрин билмайди.

Баландпарвоз гапларни тўқир,
Қарғадайин кўзингни чўқир,
Иймонсизлар қалб кўзи сўқир,
Доимо бир ўзин ўйлайди.

Тўғри аммо яхшилар ҳам бор,
Меҳнат билан тебратар рўзғор,
Баъзилар-чи билмас номус-ор,
Ҳатто виждонини пуллайди.

Эй ошиқлар қалби яролар,
Сизлар борсиз, ишқ бор, наво бор,
Ўткинчидир кибру ҳаволар,
Кимдир тулкидайин туллайди.

Тингламайди ота ноласин,
Зорлатади гоҳо онасин,
Етим қилар ҳатто боласин,
Бир бевафо ёрни ўйлайди.

СЕВГИЛИМ

Бутун умр ёндим ишқингда,
Ўзимдан ҳам тондим ишқингда,
Ҳижронларда қолдим ишқингда
Севгилим...

Ҳаёлларим тўзғир ҳар томон,
Нишони йўқ отилган камон,
Сенсиз менга бу дунё армон
Севгилим...

Ёр-ёр куйи дардли бир наво,
Дунёда йўқ дардимга даво,
Бу ҳам камдай қиларлар иғво
Севгилим...

Тақдир экан йўлимиз бўлак,
Армон бўлди орзу-ю тилак,
Исминг айтиб яшайди юрак
Севгилим...



ДУНЁДА БИР...

Дунёда бир роҳат бор,
У фарзанднинг камоли.
Дунёда бир офат бор,
У умрнинг заволи.

Дунёда бир қувонч бор,
У онангнинг борлиги.
Дунёда бир суянч бор,
У отангнинг борлиги.

Дунёда бир роҳат бор,
У танингнинг соғлиги.
Дунёда бир омад бор,
У жонингнинг борлиги.

Дунёда бир ҳикмат бор,
У сенга Ҳақдан ато.
Дунёда бир ҳикмат бор,
Англаб ол қилма хато.

Дунёда бир соғинч бор,
Дунёда бир ўкинч бор,
Дунёда бир ўтинч бор,
У ёрингнинг жамоли.

ЯЛПИЗНИ СЕВАМАН

Кўзимни ёшлатиб кетди ул дилдор,
Айтсам адоғи йўқ аламларим бор,
Ҳеч кимга ҳеч қачон бермайман озор,
Хуш исли ялпизни севаман энди,

Сув эмас, пойида кўз ёш оқади,
Икки қирғоқ аро маҳзун боқади,
Ифорлари бирам дилга ёқади,
Хуш исли ялпизни севаман энди,

У мени алдамас, сўзида турар,
Тонглари кўз ёши кўзида турар,
У ариқ ёқалаб менга югурар,
Хуш исли ялпизни севаман энди,

Бир қизни севдим-у дилимда озор,
Шу-шу қиз зотидан юрагим безор,
Ишқ менинг кўнглимни айлади бемор,
Хуш исли ялпизни севаман энди,



ЛОЛАЖОН

Ўзинг лола, исминг ҳам лола,
Сенга ошиқ мен телба бола,
Қизғалдоққа тукаман жола,
Сени ўйлаб ўртанади жон,
Хайр энди, хайр Лолажон.

Атиргулдан оламан бўса,
Билмайман не гуноҳим бўлса,
Қандай яшай севгимиз ўлса,
Сени ўйлаб ўртанади жон,
Хайр энди, хайр Лолажон.

Қошинг камон, кўзларинг оху,
Ойдан тиниқ юзингда ёғду,
Холим хароб, кетганинг қайғу,
Сени ўйлаб ўртанади жон,
Хайр энди, хайр Лолажон.



ОТАМНИНГ НАСИҲАТИ

Отамнинг насиҳати,
Юрагимнинг зийнати,
Тиллога тенг қиймати,
Отамнинг насиҳати.

Бошқарар тўғри йўлга,
Яхшилик солар дилга,
Хизмат қил дейди элга,
Отамнинг насиҳати.

Беозор ва ҳокисор,
Уйғотади дилда ор,
Ҳеч кимга қилмайди хор,
Отамнинг насиҳати.

Суянгани суянчим,
Йиқилганда таянчим,
Дилимдаги ишончим
Отамнинг насиҳати.



КИМ ЙИҒЛАСИН

Чин дўстларим сотиб кетди,
Мен йиғламай Ким йиғласин.
Армон дилга ботиб кетди,
Мен йиғламай ким йиғласин.

Кеча менга бўлган улфат,
Тушганида бошга кулфат,
Сотиб кетди дўстлар ҳайҳот!
Мен йиғламай ким йиғласин.

Омад мендан кечганида,
Юрак оғу ичганида,
Ҳижрон мени қучганида,
Мен йиғламай ким йиғласин.

Нетай сабрим йитиб кетди,
Азоб жондан ўтиб кетди,
Чин дўстларим сотиб кетди,
Мен йиғламай ким йиғласин...



МУҲАББАТГА КУЙИНГЛАР

Дардга эшик очилса,
Келиб дилга санчилса,
Бевафонинг пойида,
Менинг дилим янчилса.
Фавғоларни қўйинглар,
Муҳаббатга куйинглар.

Гар севги армон бўлса,
Ҳажрида ошиқ ўлса,
Бевафо машуқ эса
Ўзга бағрида кулса,
Дил макрини туйинглар,
Муҳаббатга куйинглар.

Қордаин пок туйгуни,
Кўздан олган уйқуни,
Бўсалар билан тутди,
Лабидаги оғунию
Шунда ҳам рост суйинглар,
Муҳаббатга куйинглар.

Кимдир бир меҳрга зор,
Кимдир уни қилар хор,
Дардга тўлган кунимда
Мени ташлаб кетди ёр,
Ишқ майига тўйинглар,
Муҳаббатга куйинглар.

ЁР КЕТДИ

Ўлан, ўлан жон ўлан,
Ёр кетди кимлар билан,
Алам тўлди қалбимга,
Йиғладим армон билан.

Қушлар учар осмонда,
Сарсонман тўрт томонда,
Умрим ўтар ҳижронда,
Ёр кетди кимлар билан?

Бўлдим ўзимдан жудо,
Ўзинг айт менга Худо,
Севги деб умрим фидо,
Ёр кетди кимлар билан?

Қорақош гўзал санам,
Қошларинг мисли қалам,
Севганим қилар алам,
Ёр кетди кимлар билан?

Кўзёшин тўкар булут,
Қалбим севгига тобут,
Равшан қиёматни кут,
Ёр кетди кимлар билан?

ТАЪРИФ

Кимга севги эрмақдир,
Кимга севги эртақдир,
Севгини йўқ деганлар,
Билингки тош юракдир.

Кимга севги армондир,
Кимга севги ёлғондир,
Бу беш кунлик дунёда,
Бахт деганинг гумондир.

Кимга севги азобдир,
Кимга севги шаробдир,
Ким ёридан айрилса,
Унинг ҳоли харобдир.

Кимга севги бахт берар,
Кимга севги шаҳд берар,
Равшан уни авайла,
У кўнгилдан тахт берар.



ЁЛҒИЗЛИҚДА...

Тавба қилдим, кечиргин Оллоҳ,
Билмай кўплаб хатолар қилдим.
Руҳим титраб чекканида оҳ,
Ёлғизликда азоб не билдим.

Тавба қилдим, кечиргин Оллоҳ,
Фафлат томон юзим бурибман.
Сендан ўзга йўқ экан илоҳ,
Сенга такбир айтиб турибман.

Тавба қилдим кечиргин Оллоҳ,
Йўл бошида адашдим афсус.
Ҳақни таниб йиғладим эй воҳ,
Гул фаслимни эгаллади куз.

Тавба қилдим, кечиргин Оллоҳ,
Пушаймонман энди барига.
Мен ўзимга эканман душман,
Яролмадим дўстнинг корига.



БИЛДИМ УМР ҚАДРИНИ

Дўстдан айрилиб билдим,
Жон дўстимнинг қадрини.
Мусофир бўлиб билдим,
Қон қариндош қадрини.

Эслаб отам сўзини,
Оқлаб нону тузини.
Ёруғ қилиб юзини,
Билдим отам қадрини.

Онамдан йироқларда,
Жонгинам қийноқларда,
Қолдим гоҳ титроқларда,
Билдим онам қадрини.

Ёшлигим ташлаб кетди,
Кексалик ошла кетди.
Ёқамдан ушлаб кетди,
Билдим умр қадрини.

Тинглаб Машраб дардини,
Англолмадим барини,
Ўқиб Бобур сатрини,
Билдим Ватан қадрини.

СИЗ ҲАМ...

Ёлғонларга йўйдингиз,
Ёмон алдаб қўйдингиз,
Ўйин билиб севгини
Сиз ҳам мени суйдингиз.
Ишқ ўтида куйдингиз.

Қават-қават уйингиз,
Айтинг, кимда ўйингиз,
Етганида бўйингиз,
Сиз ҳам мени суйдингиз,
Ишқ ўтида куйдингиз.

Туну кун пардоз қилиб,
Аввалига ноз қилиб,
Ногоҳонми ё билиб,
Сиз ҳам мени суйдингиз,
Ишқ ўтида куйдингиз.

Дилда гулимсиз лолам,
Совчи бўлсинми онам,
Ахир севаман маннам,
Сиз ҳам мени суйдингиз,
Ишқ ўтида куйдингиз.

Чиройлисиз бунчалар,
Гул очади ғунчалар,
Дил иқрори куй чалар,
Сиз ҳам мени суйдингиз,
Ишқ ўтида куйдингиз.

СЕНИ ЎЙЛАБ ЯШАЙМАН

Баҳор, ёзу қишимда,
Ўнгимдамас, тушимда,
Ҳаёлимда, хушимда,
Сени ўйлаб яшайман,
Девонага ўхшайман.

Исминг такрорлар тилим,
Қайлардасан севгилим,
Мендан кетмагин гулим,
Сени ўйлаб яшайман,
Девонага ўхшайман.

Юрак ёниб севаман,
Ўздан тониб севаман,
Дил исёним сезаман,
Сени ўйлаб яшайман,
Девонага ўхшайман.

Армон дилни тиглатди,
Муҳаббатни йиглатди,
Тақдир бизни ажратди,
Сенсиз қандай яшайман?
Девонага ўхшайман.

СЕНМУСАН?..

Йўллар кутиб кўз толган,
Жонга оловни солган,
Менинг хаёлим олган,
Сенмусан, ёрим сенму?..

Гапларимга ноз қилиб,
Туну кун пардоз қилиб,
Ёнимдан ўтган кулиб,
Сенмусан, ёрим сенму?..

Юраккинамдан урган,
Жилмайиб қараб турган,
Тунлар тушимга кирган,
Сенмусан, ёрим сенму?..

Соғинчларни бўйлаган,
Кечалари ўйлаган,
Ишқ куйини куйлаган,
Сенмусан, ёрим сенму?..

Дарвозангга суяниб,
Бунча қочма уялиб,
Қўйсаммикан уйланиб,
Излаган ёрим сенму?...

ЁМҒИР

Ёмғир ёғар кўқдан тинмайин,
Кўзёшимга парво қилмайин,
Энди кимга дардим айтайин,
Хайр энди алвидо гулим,
Биз бегона энди севгилим.

Қара, тинмай ёғмоқда майин,
Сендан кечиб кетмоқлик қийин,
Юрак санчар нолали куйин,
Хайр энди, алвидо, гулим,
Биз бегона энди севгилим.

Дил ёғмоқда қара осмондан,
Дарак берар гўё армондан,
Кеч, майли мен қадри арзондан,
Хайр энди, алвидо гулим,
Биз бегона энди севгилим.

СЕНДАН КЕЧГИМ КЕЛМАЙДИ

Оҳ! Йиғлайди юрагим,
Дилдан севган малагим,
Армон бўлди тилагим,
Сендан кечгим келмайди.

Майли гулдай сўлайин,
Исминг айтиб ўлайин,
Айтгин нима қилайин,
Сендан кечгим келмайди.

Сенсиз дунё татимас,
Дилдан азоб аримас,
Хаста юрак розимас,
Сендан кечгим келмайди.

Бунча шафқатсиз ҳаёт,
Ундан айрилдим наҳот,
Бўғзимда алам ҳайҳот,
Сендан кечгим келмайди.

Нажот бергин эй Худо,
Бахтимдан бўлдим жудо,
Дейсан, унут алвидо!
Сендан кечгим келмайди.

КЕЛМА

Ишқ нима, орзу нима,
Муҳаббат қайғу нима,
Агар менсиз яшолсанг,
Келмасанг майли келма.

Баҳоналар тўқима,
Ёлғонларни ўқима,
Бир кун ўзинг ўкинма,
Келмасанг майли келма.

Севгим сенга кўзтумор,
Ёр уйига тақиб бор,
Майли, унутиб юбор,
Келмасанг майли келма.

Ҳаёлингдан ўчиргин,
Ёлвораман, кечиргин,
Дилга қасам ичиргин,
Келмасанг майли келма.



ЧАРЧАДИМ...

Дард аламга тўлишдан,
Очилмайин сўлишдан,
Кунда минг бор ўлишдан
Чарчадим...

Сохта калом юзлардан,
Қаҳратон қиш, музлардан,
Эрта келган кузлардан
Чарчадим...

Доим бағрим юлишдан,
Оёқ ости бўлишдан,
Ичдан йиғлаб кулишдан,
Чарчадим...

Дардим ичга ютишдан,
Бахтсиз йиғлаб ўтишдан,
Ниманидир кутишдан,
Чарчадим...



ДИЛДОР

Ёр-ёр, ўлан айтар янгалар,
Ёр бошидан сочар тангалар,
Аламли куй бағрим чангаллар,
Келин бўлди севганим Дилдор.

Саволимга жавоб бер, эй тун,
Энди отим бўларми Мажнун,
Айбим нима, айтгин не учун,
Келин бўлди севганим Дилдор.

Дилда қолди мангу бита доғ,
Қулаб тушди ишонч номли тоғ,
Усиз қандай яшайман Оллоҳ,
Келин бўлди севганим Дилдор.

Келолмайман энди хушимга,
Кирмай қўйди ҳатто тушимга,
Ҳеч ким парво қилмас ёшимга,
Келин бўлди севганим Дилдор.



ОҚҚУШЛАР

Баҳоримда қишлади қишлар,
Армон гўё кўксимни муштлар,
Ишқ деганим зимистон тушлар,
Мени олиб кетинг оққушлар.

Сизмай қолдим еру осмонга,
Бошим урай қайси томонга,
Кўнглим бериб қўйдим гумонга,
Мени олиб кетинг оққушлар.

Бевафони суйганим қолди,
Ҳаловати буткул йўқолди,
Ишқ бошимга савдолар солди,
Мени олиб кетинг оққушлар.

Оқ либосда кетмоқда ёрим,
Бир бор тинглаб кетмади зорим,
Кўксим тиглар ишқим, озорим,
Мени олиб кетинг оққушлар.



ЙИҒЛАЙДИ ОНАМ

Армон бағримни тилса,
Дустим устимдан кулса,
Дил берганим ёт бўлса,
Йиғлайди жоним онам.

Сўнса умид қуёшим,
Ғамдан эгилса бошим,
Кўздан оққанда ёшим,
Йиғлайди жоним онам.

Қўлдан кетса давлатим,
Суянганим савлатим,
Ёлғизим, ғаниматим,
Йиғлайди жоним онам.

Нима ҳам кўрдим суйиб,
Қолсам дунёдан тўйиб,
Мен учун бағри куйиб,
Йиғлайди жоним онам.

Ёрим чиқса бевафо,
Жоним чекканда жафо,
Яхшилик кўриб раво,
Йиғлайди жоним онам.

ОНАЖОН

Кўп адашдим онажон,
Номардларни дўст билиб.
Ғамга тўлади бағрим,
Гоҳ йиғлайман, гоҳ кулиб.

Йигирмадан утдиму
Ёшлик мени тарк этди.
Ишқ деб оғу ютдиму,
Армонларга ғарқ этди.

Оҳ онажон қайдасиз?..
Қайда қолди ёшлигим.
Кўз ёшингиз фойдасиз,
Биласиз бебошлигим.

Не қилайин бу юрак,
Беизн йўл бошлайди.
Менинг дардим онажон,
Кўзингизни ёшлайди.



АЙРИЛИҚ

Ёлғизликка кўндирдинг,
Орзу гулим сўндирдинг,
Сен қотилсан айрилиқ,
Муҳаббатни ўлдирдинг.

Ошиқ кўзин ёш қилдинг,
Юрагимни тош қилдинг,
Орзу қолди қафасда,
Ҳижронни бебош қилдинг.

Айрилиқнинг жабри кўп,
Эвоҳ, бунча сабри кўп,
Кечар умрим талотўп,
Ишончимни сўлдирдинг.

ҲАЛОЛ ЯША...

Инсон қилмишидан фалак бўлди лол,
Виждонингни сотиб топма ҳаром мол,
Дилингга эзгулик - яхшиликлар сол,
Дунёга келдингми яшагин ҳалол.

Бир бурда нонингни қилмагин миннат,
Хотам бўлмасанг ҳам айлагин ҳимнат,
Диёнат йўлининг охири жаннат,
Дунёга келдингми яшагин ҳалол.

Етимлар ҳаққини емагин зинҳор,
Иймон йўлин танла, ҳали имкон бор,
Бир кун ўз-ўзингни этмагин инкор,
Дунёга келдингми яшагин ҳалол.

Отангни, онангни билмагин малол,
Бир куни ўтарсан, юракларда қол,
Ширин жон бўлолмас, топганинг увол,
Дунёга келдингми яшагин ҳалол.

ЧИМИЛДИҚҚА КИРДИНГИЗМУ?..

Сим-сим йиғлаб чимилдиққа кирдингизму,
Бир йил ўтиб ўғил фарзанд кўрдингизму?
Доимгидай айтиб юрай исмини деб,
Ўғлингизга менинг исмим кўйдингизму?

Тун кечалар мени эслаб куйдингизму,
Ҳижронларнинг азобини туйдингизму,
Ёлғон туйғу, кулгулардан тўйдингизму,
Ўғлингизга менинг исмим кўйдингизму?

Ишқ оғусин ичган эдим, муҳаббат деб,
Дил қайғусин қучган эдим муҳаббат деб,
Дунёлардан кечган эдим муҳаббат деб,
Ўғлингизга менинг исмим кўйдингизму?

ЧИМИЛДИҚДА ЖОНИМ ЙИҒЛАМА

Остонага бош уриб бориб,
Ўзга ёрга кўнглингни бериб,
Айтолмасанг кўнглингни ёриб,
Чимилдиқда жоним йиғлама.

Оқ либосда куласан маюс,
Таъзим қилгин қилмагин афсус,
Энди мендан умидингни уз,
Чимилдиқда жоним йиғлама.

Оловларни айланиб ўтиб,
Янгаларинг кўлингдан тутиб,
Чимчилайди улар ҳам туртиб,
Чимилдиқда жоним йиғлама.

Ойналарда кўрганинг чиндир,
Дийдор отлиғ бу шундай кундир,
Бас, чидагин, кўнглингни кўндир,
Чимилдиқда жоним йиғлама.



РАВШАНМАН

Кўкси тўла дард бўлса ҳам,
Кулиб турган Равшанман.
Ғамдан адо бўлса ҳам,
Шодон юрган Равшанман.

Адолат излаб фақат,
Тополмаган ҳақиқат,
Кўргани азоб, кулфат,
Дарди дунё Равшанман.

Орзу гуллари сўлган,
Севгани келин бўлган,
Ғамга мубтало бўлган,
Қалби вайрон Равшанман.

Дилдан шодон кулмаган,
Роҳат нима билмаган,
Бир ёруғлик кўрмаган,
Дарди дунё Равшанман.



МУСИЧА

Эй беозор қушча, мусича,
Қанотингга боғлагин мени.
Қайғуларим олиб кўнглимдан,
Сен англагин, ўйларман нени.

Учиб кетдинг, тутаолмадим,
Мақсадимга ета олмадим,
Одамлардан дўст тополмадим.
Безаволим, ўйлагин мени.

Осмонларга учгим келади,
Булутларни қучгим келади,
Билмам энди нима бўлади,
Кенгаймоқда тунларнинг эни.



МАЛИКАМ

Менинг ошиқ кўнглимни
 билсанг эди маликам,
Кўлларингни кўлимга
 берсанг эди маликам.

Севгимнинг қадрин билиб,
 кўнглингни менга бериб,
Ёрим бўлиб бағримда
 кулсанг эди маликам.

Тунлари бедор бўлиб,
 ишқимда бемор бўлиб,
Севгингга иқроп бўлиб
 келсанг эди маликам.

Бирга бўлиб иккимиз,
 бахтни тутиб илкимиз,
Дил кўкида ҳилолдек
 тўлсанг эди маликам.

Ўзимдан ҳам тонаман,
 сенсиз мен девонаман,
Қандайин севишимни
 билсанг эди маликам.

Кўпдир сенинг ошиғинг,
 занжирланган эшигинг,
Равшаннинг танҳо ёри
 бўлсанг эди, Маликам.

Мундарижа

Олиб кетайми?.....	3
Алам бўлди.....	4
Бахт бергин.....	5
«Муҳаммад Юсуфнинг...».....	6
Кулганинга.....	6
Қашқадарё.....	7
Биз ўзбек фарзандимиз.....	8
Бир шеър ёзаман.....	9
Сизни севиб.....	10
«Ёмонларнинг ошиғи...».....	11
Севиб бахтли бўлганлар борми?.....	12
Қора кўзлар.....	13
«Дил берганим...».....	14
Кўрқаман.....	15
Қоши қаро.....	16
Афсус.....	17
Тилло узук.....	18
Дўстлик ишққа айланди.....	19
Онамнинг насиҳати.....	20
Алам.....	21
Билмагандим.....	22
Келин бўлди севгилим.....	23
Муҳаббат.....	24
Мажнун бўлдим.....	25
Йиғлама юрак.....	25
Совчилар.....	26
Ёлғизим сенсиз.....	27
Ўлдириб, ўлдириб.....	28

Ҳамма фақат ўзин ўйлайди.....	29
Севгилим.....	30
Дунёда бир.....	31
Ялпизни севаман.....	32
Лолажон.....	33
Отамнинг насиҳати.....	34
Ким йиғласин.....	35
Муҳаббатга куйинглар.....	36
Ёр кетди.....	37
Таъриф.....	38
Ёлғизликда.....	39
Билдим умр қадрини.....	40
Сиз ҳам.....	41
Сени ўйлаб яшайман.....	42
Сенмусан?.....	43
Ёмғир.....	44
Сендан кечгим келмайди.....	45
Келма.....	46
Чарчадим.....	47
Дилдор.....	48
Оққушлар.....	49
Йиғлайди онам.....	50
Онажон.....	51
Айрилиқ.....	52
Ҳалол яша.....	53
Чимилдиққа кирдингизму?.....	53
Чимилдиқда жоним йиғлама.....	54
Равшанман.....	55
Мусича.....	56
Маликам.....	57

Равшан ҲАҚМУРОД

ДИЛДОРИМ

Муҳаррир:

Дилором Тиркашова

Рассом:

Шухрат Мирфаёзов

Мусахҳиҳ:

Нилуфар Мавлонова

Компьютерда саҳифаловчи:

Гулшан Мавлонова

Нашр лиц. АИ № 104, 15.07.2008 йил. Теришга
23.04.2013 йилда берилди. Босишга 03.05.2013 йилда
рухсат этилди. Бичими: 70x90 ¹/₁₆. Офсет босма усулида
чоп этилди. 7,5 босма табок. Адади 500 нусха.
Буюртма №80.

«MERIYUS» хусусий матбаа-нашриёт
корхонасида чоп этилди.

Тошкент шаҳри, ген. Узоқов кўчаси 2 «а» уй.

Тел.: 228-94-11